

**Kalaallit Nunaanni pinerluttulerineq pillugu inatsisip aamma Kalaallit Nunaanni eqqartuussisarneq pillugu inatsisip allanngortinneqarnissaanut missingiummut Namminersorlutik Oqartussat tapersersuinissaat pillugu Inatsisartut aalajangiiffisassaattut siunnersuut (Oqarasuaatikkuq nalunaaruteqartarneq, kalaallit nunaanni pinerluuteqarsimasunut inissiisarfinni pissaanermik atuineq, kiisalu palleeqqusinnginneq, sumiiffimmeeqqusinninneq peersitaanerlu il. il.)**

(Isumaginninnermut Ilaqutariinnermut Naligiisitaanermut Inatsisinillu atortitsinnermut Naalakkersuisoq)

### **Akissuteqaat**

(Isumaginninnermut Ilaqutariinnermut Naligiisitaanermut Inatsisinillu atortitsinnermut Naalakkersuisoq)

### **Aappaassaaneerinninneq**

Aallarniutigalugu Inatsisinut Ataatsimiititaliap isumaliuutissiissummik tunniussinerinut suliaqarsimanerinnillu Naalakkersuisut qujarussuteqassapput.

Inatsissatut peqqussutissatullu missingiusiamut oqaaseqaatit Inatsisartut Inatsisinut ataatsimiititaliaanit Naalakkersuisunit maluginiarneqarput. Oqaaseqaatit tunngavigalugit ataatsimiititaliamit allannguutissatut siunnersuummik saqqummiussisoqarpoq, tamatumani ataatsimiititaliap oqaaseqaataanut atatillugu allannguutissanik iliuusissanilluunniit tunngavissaqalersitsisoqarnerneq qallunaat justitsminister-ianut eqqarsaasersuutigineqarnissaa qinnutigineqassalluni.

Siunnersuut pineqartoq inatsisinik atortitsinerni suliaqarfimmi arlariinnik pitsannguutissanik imaqartoq Naalakkersuisunit nalornissutigineqanngilaq. Minnerunngitsumik eqqartuussiveqarfiit patajaallisinneqarnissaat tamatumani nalunaaruteqartarnerneq eqaannerusumik periuseqarlersitsinissanik atuutitsilernissani. Naalakkersuisunit nuannaarutigineqarpoq Inatsisartut Inatsisinut Ataatsimiititaliaata palleeqqusinnginneq, sumiiffimmeeqqusinninneq peersitaanerlu pillugit tapersiimmata, naak ataatsimiititaliamit oqaaseqaateqartoqarsimagaluartoq. Naalakkersuisut ersarissumik paasinninnerat najoqqutaralugu nakuuserneq malersuinerlu akuerineqarsinnaanngitsoq avammut oqariartuutigineqassaaq tamatumani inatsisip atuutsinneqalerneratigut.

Pinerluuteqarsimasunik isumaginnittoqarfimmi qasilitsumik seqersittaatinik atuisinnaalernissamik siunnersuutip aalajangersagaanni aamma imaqarpoq. Inatsisinut ataatsimiititaliamit siunnersuummik siullermeerinninnermi oqaaseqaateqarfigineqarnerpaasimavoq, aammalu Inatsisinut ataatsimiititaliap isumaliuutissiissutaani. Qasilitsumik seqersittaammik atuisinnaalersitsinerup isumakuluuteqarfigineqarnera Naalakkersuisunit isumaqatigineqarpoq. Siunnersuut akuersissutigineqassappat Inatsisinut ataatsimiititaliap oqaaseqaatai ingerlateqqissavaat aammalu inissiisarfinni qasilitsumik seqersittaatinik atuinert qanoq ingerlanneqarneri malinnaavigiumaarlugittaaq. Naalakkersuisunut aalajangiissuulluinnarpoq pineqaatissinneqarsimasut inissiisarfinni sulisut qasilitsumik seqersittaammik atuinissamik ilinniartinneqarnissaat aammalu pineqaatissinneqarsimasut inissiisarfinni atugassarititaasuni avatangiisini illersorneqarsinnaasumik qasilitsumik atuinert ingerlanneqarnissaat.

Tamanna tunngavigalugu Inatsisinut Ataatsimiititaliap allannguutissatut siunnersuutaata akuersissutigineqarnissaa Naalakkersuisunit inassutigineqarpoq.